

活人慈航



一十三

皇清誥封奉直大夫國學生傅士鄭
府君行述

嗚呼天將降大任於是人必先嘗以
盤錯之事撓以疢疾之憂而後其德
全其業著其壽亦高出於什伯庸衆
之上而其享安富膺多男百福駢臻
豈非天之所以報其功也哉有非常
之功斯有非常之報而非有仁孝勤

儉正直之德者不足語於斯也嗚呼
豈偶然哉吾本生父傳士公資稟過
人才略出衆祖妣黃太宜人夢竈神
錫萬寶全書而生公公幼貧苦家無
擔石之蓄十餘齡父母繼歿從伯兄
受學庸時家多故未能卒業長自求
師隨地請益諸子百家靡不泛覽皆
能悉其大意尤邃於醫在宣河鄉開

設藥肆鍼砭濟人門無停轍以祖遺
方未有治法又缺不全於是博採羣
書刪訂彙集著方書百餘卷可爲後
人梯航晉祖祥軒公之卒也未塋祖
定邦公沮於族人齎志以歿公乃力
排衆議安塋先祖焉耄年移居郡城
壽九十五以終嗚呼公之功可略知
矣且夫天之生物也惟此塊然仁愛

之心磅礴無外故能涵育衆生覆幬
萬彙而天之心以遂人能體天心斯
可全天所賦苟不以利濟爲心是大
拂乎天之性矣而欲膺天之眷也得
乎哉公平素愛人不忍人饑寒不忍
人患難不忍人窮困每周卹之鄉人
械鬪公恐尋釁日甚力爲排解其業
醫也有請輒往無少遷延如救焚拯



瀉嘗語兄和齊曰濟人醫家分內事
毋議謝金戊辰將旋郡誠恭云襁負
幼媳求藥者勿議錢媳賤懼不服藥
也公著醫方人借鈔錄毫無吝惜更
教治病方法反覆不厭鄉俗慣溺女
公尤痛之逢人勸說晚刊戒溺文全
活甚衆聞人有災肯必失驚長嘆或
竟夕不寐歲饑平糶脩路造橋勤施



不倦公之仁愛大抵類此叔祖鍾遠
公居外項太宜人繼公爲嗣以呂宜
人配焉卽恭生母也項太宜人顧外
戚又溺愛姪用元常給衣食時家道
艱辛公以醫糊口仰事俯畜食指漸
繁倍形拮据公固孝於所生定邦公
嘗施夏楚公惟順受不敢措一辭念
父母早世歲時伏臘必備禮物具衣



冠肅拜九十餘年無異祖宗祠墓有
壞輒自修整不諉族人祭祀極誠敬
兒輩跛倚特嚴警惕紹儀公恭之父
公之胞弟也友愛之白首不渝事二
兄以禮友于兄弟公之能體親心又
如此古之人所以大過人者亦曰庸
庸惓惓無敢逸豫瞿瞿休休不爲靡
泰而已陶侃惜分陰王恭無長物遵



是道也廣業之訓養德之義公知之
稔矣公性勤勞不少安逸曩家貧窶
遺田僅數畝黎明卽起呼僮灑掃庭
除器物必整躬自檢點治家嚴小有
過犯不弛鞭朴人恆惴惴勉於赴功
搗藥煉丹公皆自任手足胼胝日昃
不遑晚自關鎖門戶器檢入室鑪攜
出庭防患甚密稍暇卽閱書密咏恬

漏下三更未寢率以爲常公性儉
不喜奢麗敝衣適體蔬食終身其
居宣河也有棄蔬於道者公曰是可
作羹拾之蒸飯一盂以箸畫爲三每
殮一角盡雖饑弗食也飯生菌淘而
食之黑夜旋家不挈燈燃香以代雖
涉遠道不肩輿惟徒步敬惜五穀飼
雞犬地上勿剩一粒帷帳

二十年

不易被蓆敝補至數重冠昏或祭用之以禮且人與天地參者惟此正直之氣耳易曰各正性命又曰其動也直人不正直則失其所以爲人生不可以爲人卽死不可以爲神夫神聰明正直而壹者也欲沒爲明神不正直是與而誰與哉公爲人正大不爲邪辟鄉閭風俗類效狂瀾莫挽公持



之以正以正刑于以正式穀以正擇
交人之想其風采者亦懍然曉其正
大光明之概焉其診病也有痼瘕之
心無窺伺之意家庭之內綱紀肅然
坐立不欹視聽不苟閨閣勿談博飲
無染教子極嚴謂欲教之以正不可
不出於正也恭等稍有非辟輒杖至
今心猶懍然公爲人坦直絕無矯飭



不欺世不盜名言行相顧表章如
弱冠傭堂伯紹選公家紹選公開藥
鋪南山壩故遺金櫃下將以試公公
掃地拾得比還公曰兄金奚不慎也
亟還之如是者再紹選公知其誠慙
諸事委任焉其率直類如此嘗取易
辭直方之義因以爲號夫世風之日
下也非以術愚人卽以智欺人譸張

爲幻詭譎百端以視公爲何如也嗚呼公不幸棄世矣公之神在廟中焄蒿懷愴如或見之念罔極深恩恭雖縻身百體何足酬哉今述公行誼不禁泣洟洟下也夫仁孝勤儉正直六德咸備而有大功濟之良醫之功與良相等公刀圭濟世針茅徙柳沛霖雨於蒼生走獺出蛇蔭祥雲於赤子

大功一纂輯醫方金匱廣傳

一書命恭付梓今將告成 傳世救人是父之功也 四海胥霑

恩澤紫書遙播萬代咸受帡幪大功

二安塋祖妣忍辱含垢百年之窀穸

始基立碣豎碑九泉之陰魂胥妥大

功三有三大功宜其膺天之眷百福

咸集而其德之厚業之廣壽之高家

之富男子之多功名之盛竈神之錫

夢爲有由也天降大任於是人公
卓然爲吾汀之巨擘哉

光緒甲申年六月初一日不孝汝恭

謹述



